

王公奏稿卷之四

三原介菴王

如奏議

後學華亭謝應徵校正

前叅贊機務

回報守備太監黃賜到任奏狀

節該欽奉

勅今命太監黃賜與爾等一同守備凡事必須
與之協和計議停當而行欽此欽遵本官已
於成化十四年十二月十二日到任管事

外謹具題 知

覆議定襄伯乞增操江官軍奏狀

准兵部咨該南京前軍都督府掌府事定襄伯郭嵩題內開一件軍務事查得浙江口永樂五年設立操江官軍一萬七千員名後將數內浙江二千一百四十七員名放回景泰年間又選去神機營習學銃手并大小教場浦子口操練官軍共一千二百四十一員名及運糧屯種并發遣貴州

等衛共四千五百五十員名及事故不補一千二十員名查點見在官軍八千八百四十二員名軍士數少委的不敷調用乞勅南京守備內外官員將原選去神機營習學銃手并直隸安慶滁宣州三衛官軍照數撥還江口操守便益等因行令臣等勘議前項官軍何年送在神機營習學銃手并直隸安慶宣滁三衛官軍何年因何事例放回原衛只今應否取回備禦事體有無

相應勘議停當徑自回奏定奪等因備咨
准此臣等會同南京守備太監安寧等勘
議得景泰元年因設立神機營選撥前項
操江官軍并所選大小教場官軍俱送本
營習學銃手天順元年爲因南京各營官
軍差調數多缺少操備該前守備內外官
員奏

准取調直隸安慶建陽滁州宣州鎮江五衛官
軍共三千員名輪班前來南京分撥各營

操備內建陽衛官軍五百員名分撥新江
口操守成化十年該把總操江定西侯蔣
因操江官軍事故數多又奏撥鎮江衛
官軍七百員名見今操江外其安慶宣滁
三衛官軍原係先年分撥大小教場之數
並無放回原衛至今輪班操練行之年久
况大小教場神機營見操官軍數皆不多
若又改撥操江不無此重彼輕事體不均
合無仍令前項三衛官軍照舊大小教場

操練庶幾事不紛更營伍安妥緣係勘議
停當徑自回奏定奪事理未敢擅便具題

南京 長安右門外木廠內失火叅工

部官奏狀

成化十四年二月初九日巳時分忽見

長安右門外榜房後南京工部堆梁木料廠
房失火臣等親詣木廠督令五城兵馬帶
領地方火甲人等救護因風猛火熾誠恐
延及守衛直房當將榜房八間拽倒令人

搬救各項木料用水澆滅息滅續據本部
西安廠看守木料辦事官高嚴呈報本日
巳時分有班匠吳成等在於守宿蘆蓆房
內煮飯食後不覺竈內有火一時失於仔
細被風吹起火星燒燬各工拆卸還官并
餘剩杉松條木竹片麻索松杉栢板軟蔑
水膠姜黃蘆蓆共三萬一千三百四十八
根條段塊斤片及蘆蓆廠房二連小瓦房
六間拽倒板榜房八間及救出見在杉條

木猫竹竹片共四千五十四根段片行間
又據南京東城兵馬指揮司亦呈前事
等會同南京守備太監安寧等議得廠房
係是堆積官物以致看廠辦事官縱容班
匠在內煮飯因而失火燒燬官物俱合查
究緣係燒燬廠房查提京官事理未敢擅
便具題

太廟內樹木被風吹倒奏狀

准南京守備太監安寧等揭帖准南京

神宮監印信揭帖開

太廟前面樹木內有年久枯朽栢樹并冬青等
樹爲因連日陰雨地土濕爛根科欹斜於
成化十四年八月十八日夜被風雨驟急
吹倒八株准此臣等會同南京守備太監
安寧等并南京工部署部事郎中黃會恭
詣本處相看是實緣係

太廟處所吹倒樹株理宜選擇吉日起除如蒙
准題乞

勅該部轉行南京工部摘差匠作及臣等內外
守備量撥官軍行令南京欽天監選擇良
利日時起除修整便益爲此具本謹題請
旨

覆奏南京六科陳言弭災事奏狀

准本府咨准南京兵部咨呈准兵部咨准
禮部咨禮科抄出南京兵科等科給事中
鄭宏等奏內一件防奸細備開

內府各衙門軍民匠役人等數多又有借撥

旗軍力士約有七千餘名俱由

東安西安北安等門早晚出入縱橫自如多
少不知其數雖有無藉之輩姦細之人詐
冒出入竊窺他故者豈能知其姦弊等因
該兵部議擬奉

欽依內事理移咨南京兵部會同內外守備叅
贊等官計議酌量處置照依各門官軍門
簿事例置立精微出入門簿各一扇南京
兵部用印鈐記送赴守備官處取具

內府各衙門上工人等花名填註分送各門
守衛官軍收掌照名平明點入未晚點出
不許錯亂逐日將點過出入數目開送守
備官處查考務在關防嚴密事無紛擾等
因准此臣等內外守備叅贊等官會同取
勘

內府各監局等衙門軍民匠役人等一萬四
千餘名分豁各門進出名數置立簿籍附
寫完備南京兵部用印鈐記已令各該守

門內官公同守衛官員收掌朝暮點驗去
後續據談昭張保兒董榮等連名告係南
京

內府各監局上工人匠狀告各役常日進內
上工天未大明俱到

西安等門伺候開放點驗牌面進至該管衙
門點卯已畢隨即赴工直至申末酉初歇
作散匠搜檢放出派定工程日逐比較不
敢遲延卽今蒙令守衛官軍平明點進未

晚點出每早到於各門挨次擺立逐一唱名點驗放進已末時分纔到監局點卯已過方得關食早飯用工未及二箇時辰又要伺候未晚點出只得收工赴門聽候仍前挨次逐一點驗直至更初方纔點畢各匠數中多有城外住者不得出門路眠野宿風雨饑餓未免失所工不能辦又被責併實是人難行間隨據南京內織染局署局事司設監左少監溫善等呈開本局工

程皆係節奉

欽依織造

上用供用各

王用并賞賜預備等用各項段疋及

欽差送染刻限守取絹布并年例織造赴京文武品官照出等項數該五萬六千有餘皆是緊要工程及據南京內官監左少監楊忠等亦呈本監造作係是供應為新

進用各項器皿并

欽取竹器家火扇骨及裝盛應用箱櫃木桶等件每年依時起運赴京工難停緩又據南京兵仗局右副使李誠等呈稱本局成造軍器火器數多并前廠按季成造軍器共一萬九千七百餘件上庫收貯預備軍需匠作工程刻期完報各稱上工人匠出門禁遵依舊制懸帶牌面照驗關防赴工散匠立定時刻造作限期逐時比較猶恐遲延今令守衛官軍點驗日至巳末纔方

進入到作不久告要收工伺候晚點計其一日止得午未二時動作較驗常日工程虧欠中半其實妨悞累罪不便等因又據西安等門奉御等官許敬等并守衛把總指揮杜敏等呈蒙發到精微簿籍將各衙門上工人匠平明點入未晚點出依奉挨次唱名逐一點檢每日自平明點至巳時方止自未時點至更初纔得事畢緣皇城門禁鎖閉遲晚恐難關防等因臣等會

同南京守備太監安寧等議得
內府各衙門上工人匠委的數多每日早晚
點檢出入皆在
皇城禁門裏外聚集喧攘况各項造作工程
皆係緊要委的妨悞不便合無令上工人
匠照舊懸帶牌面各門照驗出入不必早
晚唱名點驗庶免稽悞工作除聽候外緣
係便益事理未敢擅便謹題請

旨

駁議聽選官王瓚建言江北五衛免赴
京操奏狀

准兵部咨禮科抄出吏部聽選官王瓚建
言南京應天龍虎黃海和陽武德五衛俱
在江北浦子口所有官軍除差撥屯種運
糧守城操備外其餘分撥南京新江口大
小教場差操緣隔揚子大江人馬往來多
遭滄溺切照浦子口僻居江北城市偏虛
擬合用人固守要將江北應天等五衛原

撥南京各營差操官軍放回本處浦子口
守城操備庶免警急風波之患等因該禮
部抄出會同各部都察院通政使司大理
寺六科給事中等官會議奏奉

欽依行移南京兵部轉行南京守備官勘議前
項江北五衛官軍應否免撥過江操練徑
自定奪回奏等因備咨准此臣等會同南
京守備太監安寧等計議照得江北應天
等衛官軍自永樂年間起一向俱在江南

操備續於景泰四年該應天衛經歷姜永
奏稱本處城池無人操守奏准將南京見
操應天等五衛官軍舍餘數內摘發一千
員名委南京旗手衛指揮董貴管領提督
在於江北浦子口教場操練守城外天順
三年又該南京和陽衛百戶周忠建言江
北應天等九衛官軍俱赴南京操備隔江
往來風波艱苦各要將本衛官軍俱在江
北操守等因奉行該前守備魏國公徐承

宗等議得

朝廷根本之地操守係于重務軍馬惟當增益若將前項官軍輕易調動萬一有警卒難取用已經奏奉

欽依將前項衛分官軍照舊存留南京各營操備今聽選官王瓚未知事體又要將應天等五衛官軍放回本處浦子口操備查得江北應天等九衛見在南京大小教場并神機營新江口操練官軍舍餘共二千餘

員名及查南京各衛見操官軍舍餘中間亦有在於江北屯所居住而赴南京操練者又如直隸建陽等衛官軍前來南京輪班操備俱各經過各江比之應天等衙門路程尤遠若令軍士各就近便操備則江南操軍愈見數少將何守備京城而爲居重馭輕之道況江北浦子口見有指揮崔珏在彼守禦各衛見在官軍舍餘亦足以守城操備合無將前項衛所官軍原調南

京各營操備者仍令照舊操守保障京師
實為良便緣奉

欽依勘議定奪明白回奏事理未敢擅便謹題
請

旨

關過 內府銅錢給賞日本國使臣事
畢奏狀

節該欽奉

勅臣等及南京戶部禮部今該給日本國正賓

并物價銅錢一千六百五萬六千三百九十
文勅至爾等會同太監安寧等轉行南京天
財廣惠二庫照數關出公同差去官員明白
給賞事畢之日爾等仍將關過銅錢數目明
白奏報欽此欽遵 臣等會同南京守備太監
安寧等轉行南京戶部禮部及南京天財
庫照數關出前項銅錢公同差來行人鄧
庠給賞外各夷俱於成化十四年四月十
一日起程去訖緣奉

勅仍將關過銅錢數目明白奏報事理今將給
賞過銅錢數目開坐謹具題 知

奏解詐僞犯人奏狀

據守江東等門指揮李隆等呈開成化十
四年九月十六日盤獲男子一名金玉并
紅油

勅書筒黃布包袱等件呈送到官審據金玉供
年五十六歲係河南懷慶府河內縣在城
第一保民籍於正統八年正月初八日是

玉不合私自淨身具告本縣起送赴京該
通政使司

奏送司禮監將玉責打八十發南海子收充
淨軍成化九年五月內轉發看守皇莊成
化十三年七月內爲盜賣官田事被錦衣
衛校尉姬剛首送刑部河南清吏司將玉
問擬雜犯死罪發

吉王府做工該燕山前衛批差軍餘王信等
解送成化十四年正月內到府長史司收

管着役本年七月內玉因窺見本司紅油
描龍笏一箇及有本司據奉祀所典吏曹
迪告行原籍蘇州府吳縣優免差役印信
公文二紙玉不合偷取在手私將殘缺舊
大誥半本裝在

勅書笏內又將玉姓名寫在前項公文之後欲
往蘇州圖取銀兩本年九月十六日經過
南京又不合進入外城江東門被守門官
軍跟至城裏三山門叫同本門官軍將玉

盤獲呈送前來據供得此臣等會同南京
守備太監安寧等議得金玉所供前情未
委虛的緣係擅入京城門禁中聞恐有隱
下別情今將本犯鎖鐐并印封原帶公文
等件差舍人王淳管解赴京爲此開坐謹
題請

旨

叅奏南京經紀私與番使織造違禁紵
絲奏狀

據南京錦衣衛巡捕委官百戶蔡瑛呈據周璋首係南京錦衣衛鎮撫司戶籍成化十三年八月初三日暹羅國

進貢使臣杜文斌等到於上新河灣泊有經紀韓源陳質等引領隣人石聰錢鵬等合夥用禮俱赴番船交結賣過象牙蘇木共銀七百三十六兩回家又憑中人出寬會約在城機戶陳昇等家織造各樣大紅黃并八寶閃色抹絨花樣遍地金花幛幔各

樣段疋共織一百一十五疋後有中人田寬來與璋說石聰等領銀織造番使段疋緣由亦來邀璋前去番船成交比時有璋不合聽從到船憑田寬領銀五百三十一兩其石聰就行俵發機戶陳昇等定織各色違禁段疋有璋並無分文入已不期又於本年十一月初一日有安南使人裴山到於上新河有彼中人阮福因前成交來與石聰用言說其使要織各樣段疋可去

成交有璋又不合與同石聰到於使臣船上承攬織金違禁紗羅段疋共三百餘疋俱各將象牙作銀交與機戶吳斌等寫立合同依樣織造待回交付內有各樣紙割該銀三百六十七兩其石聰等因嗔璋在夥設計勒璋自立合同虛受倭人安息油料等香該價銀四十四兩六錢六分餘無分文銀兩與璋收領見有合同存照其石聰等因前恠恨有璋在夥却乃唆令進羅

使人杜文彬於原定織造數內勒璋自立合同領銀一百二十九兩分投開款另認織五彩抹絨幔邊二疋并鱗龍大紅段疋有璋止收見銀二十九兩依從織段二疋內銀一百兩亦係石聰等對收分俵與各機戶織造外其石聰等要得侵謀銀兩肥己暗設奸計叱喝伴送番船官處拘璋到船威治勒寫收銀一百二十九兩供狀在官故令陷害今思若不狀首委被奸徒石

聰等糾衆私結番船領銀織造玄黃官花
樣遍地金段疋事屬違例如蒙准首乞賜
行提各犯石聰等到官追究私結番人僞
織違禁段疋欺凌派騙銀兩情由明正其
罪庶免日後不致陷害負損身家性命無
辜爲此將原領番銀香貨并織違禁段疋
數目并領象牙逐一開單粘連具狀首告
到職隨差巡捕校尉張洪等押發首告人
周璋作眼認挈男子十七名到職責據杜

林卽杜瓚供年二十八歲係福建汀州衛
武平守禦千戶所軍餘成化十三年四月
十六日是瓚告給本衛所文引將帶本錢
置買鐵貨裝到贛州府河下遇見親人李
德報說有你房伯杜文彬先年出外生理
不見回家今在暹羅國差來

進貢有廣東三司盤過揀下虛心不堪
進貢蘇木一百五十細并截斷象牙四包付
托與我裝載前往南京上新河等處發賣

有瓚喜信將自己鐵貨一同裝載到於南
京上新河投托經紀陳質韓源將蘇木一
百五十捆共重一萬五百斤陸續共賣銀
五百二十五兩截斷象牙四包共重三百
一十斤賣銀一百二十四兩共銀六百四
十九兩內將銀一十二兩與陳質等作用
錢接收各散去訖是瓚一向在彼存住至
本年八月初三日有房伯杜文彬

進貢番船方到下關灣泊有李德引領瓚同
到房伯船上拜認說知祖宗名字鄉貫相
同方纔識認見有先不知名後知是使臣
坤祿群謝提哪塔二人辦事一人幹事一
人護送一人大小通事二人千戶一人同
房伯柰英必美亞卽杜文斌有瓚同李德
就將前項賣牙木銀兩交還伯杜文彬等
收訖彼有房伯與瓚言說先於正統十三
年間因支鹽買賣遭風飄流過海今在暹
羅國封爲岳坤等官今充爲使臣差來

進貢後瓚因患痢疾病症復回經紀家調治
有李德在於房伯船上領到原賣牙木銀
一百六十兩同未獲識人石聰并今在官
石彥璋前去機戶陳昇家定織各色段疋
後有李德患病不能動止本年十月內雇
搭船隻回家去訖相托瓚在陳昇家催討
原定段疋又審據林壽供係南京錦衣衛
鎮撫司鞍轡局分調軍匠林信戶內寄住
餘丁成化十三年七月十三日有今在官

本衛鎮撫司餘丁周璋到於壽家秤銀二
十七兩六錢與壽買青拱白錦紵絲二段
紅拱白錦紵絲一段去訖又審據周珎供
係南京錦衣衛鎮撫司女戶籍成化十三
年八月二十日有暹羅使臣在於龍江關
遞運所倒換船隻是珎同今在官應天府
江寧縣民人唐庶錢鵬將禮同到使臣船
上探問承認做段疋比有使臣約內寫織
段疋手巾銀三百二十八兩九錢止將銀

二百八十七兩五錢與玠等三人收訖散
與各機房織造段疋本年九月初四日是
玠等到於今在官上元縣民人陳昇家寫
立合同將銀六十兩與陳昇接收織造大
紅閃綠紵絲四疋先收大紅閃綠紵絲三
疋與使臣收訖餘欠閃色紵絲五疋將鴨
頭綠素紵絲三疋青紵絲二疋折與使臣
收訖本月初六日玠等又到未獲本司餘
丁何通家寫立合同將銀三十七兩五錢

與何通收訖織造青紅綠各色織金紵絲
女襖一十九件交與使臣收訖十一日玠
等又到未獲南京留守右衛右所軍匠張
義家寫立合同陸續將銀一十八兩與張
義接收織造香草麒麟裏外嚮板雲手巾
三十四條是玠先收手巾四條與使臣收
訖又收手巾一十四條見今在官餘欠手
巾一十六條未與十三日玠等到於今在
官本司餘丁虞文端家寫立合同將銀六

十二兩二錢與文端接收織造織金間道
紵絲二疋檳榔袋三箇是玠先收織金間
道紵絲一疋檳榔袋二箇與使臣收訖餘
欠檳榔袋一箇織金間道紵絲一疋在虞
文端家機上因使臣欠銀九兩八錢未織
是玠等當日又到上元縣民人陳榮家寫
立合同將銀九十兩與陳榮收訖織造白
閃紅紵絲十疋綠閃白紵絲十二疋是玠
先收陳榮各色紵絲十四疋交與使臣收

訖餘有各色紵絲一十八疋因使臣欠銀
三十一兩六錢未織本年十月十八日是
玠等到於未獲上元縣民人王宣家寫立
合同陸續將銀一十九兩八錢與王宣接
收織藍紅花各色紵絲一十八段交與使
臣收訖外得使臣用銀五兩六錢又審據
虞文端供係南京錦衣衛鎮撫司軍匠虞
景戶內餘丁成化十三年八月二十四日
有本司餘丁周璋到於文端家定織間道

抹絨紵絲六疋該銀五十四兩寫立合同
陸續將銀二十三兩二錢七分與文端接
收先織間道五色抹絨幔邊紵絲三疋與
周璋接收去訖又審據石彥璋供係應天
府江寧縣民匠成化十三年八月二十四
日有未獲福建汀州衛武平守禦千戶所
餘丁李德前來引領彥璋同未獲兄石聰
到於使臣船上有使臣先將銀六十兩付
與李德接收同彥璋到於今在官本府上

元縣民人陳昇家寫立合同與陳昇接收
定織段疋有李德後又將銀一百兩同彥
璋與陳昇接收織造遍地金紵絲一十五
疋閃色紵絲二十一疋是彥璋先討藍小
毬門紵絲一疋天青遍地金串枝寶相花
紵絲一疋官綠遍地金寶相花紵絲一疋
白遍地金雙枝寶相花紵絲一疋青閃色
雙枝寶相花紵絲二疋青閃白紵絲一疋
白閃藍紵絲一疋是彥璋交與使臣收訖

有陳昇將用錢銀三兩二錢與彥璋收接
使用餘有陳昇欠合同內銀五十二兩織
造未完在機柳黃小毬門紵絲一段青織
金六蓮花紵絲一疋礬紅遍地織金十八
雲紵絲一段礬紅織金拱線紵絲一段官
綠閃紅紵絲一段在陳昇家今被事發捉
獲彥璋同陳昇到官追取陳昇機上各色
紵絲五段見在又審據阮福供係南京金
吾左衛右千戶所役過老軍成化十三年

十一月初六日有安南國行人裴準

進貢帶有象牙在船到上新河灣泊是福同
今在官南京留守右衛鎮撫帶管老軍涂
安在彼買賣因與裴準答話語言相同認
是鄉里比有本人言說我自己帶有象牙
在船央福等爲中尋人定織段疋是福聽
允不合引領今在官上元縣民人王文到
於裴準船上寫立合同與王文收接有裴
準將象牙六擔共作銀二百七十兩織造

各色羅絹共七十五疋王文聽允收合同是福當日同涂安等引領上元縣民人吳斌到於通事何循船上有何循寫立合同吳斌收訖何循將截斷象牙八擔作銀三百二十兩定織各色紵絲共四十二疋吳斌聽允各回去訖當日是福到於江東門壩邊住人周敬王鐸家與各人說知上新河安南國行人裴準有象牙與機戶王文吳斌家織造段疋你將小船送與王文吳

斌家與你們各人船錢王鐸等聽允比有周敬王鐸言說每牙一擔與銀七錢我包裹嚴密不使門上官軍得知還你停當各允是福回家本年十二月初四日福又不合引領今在官上元縣民人王信陳榮到於裴準船上有本人寫立合同與王信接收有裴準將象牙四擔作銀一百九十兩定織各色綾紵紵絲共四十三疋有王信陳榮聽允各人去訖當日是福到於周敬

家與本人說知裴準將象牙與機戶王信陳榮織造段疋你將小船裝來放在你家寄放還你船錢周敬依允是福回家有陳榮等俱各不曾織造段疋成化十四年正月月初八日有王鐸等將截斷象牙八擔送到吳斌家將銀五兩六錢與王鐸接收本月十一日有王鐸等又將象牙六擔送到王文家本人將銀四兩二錢與王鐸接收本月二十六日致被周璋具狀首發隨差

巡捕校尉捉拏王信杜瓚等之時有王宣何通張義周敬王鐸田寬各人知覺逃躲未獲於陳昂名下追出織金柳黃小毬門紵絲一疋青織金六蓮花紵絲一段礬紅遍地織金十八雲紵絲一段礬紅織金拱線紵絲一段官綠閃紅紵絲一段并又於王文名下追出象牙六擔共秤重五百三十六斤吳斌名下追出象牙八擔共秤重七百二十八斤王信陳榮名下追出象牙

四擔共秤重三百八十七斤及周璋原首
將銀一十八兩與虞文端織造間道五色
抹絨幔邊紵絲二疋并安息香油六十五
斤并首未獲石聰原與周璋背織金紗
蟒龍樣一塊及陳昂等名下追出原立合
同十一紙俱各見在今將各犯供詞并追
出各色段疋象牙等物理合連人具呈等
因據此案照先據鴻臚寺署丞馬全呈有
暹羅國差來副使坤祿群謝提等赴京

進貢回還該禮部奏

准給批差全伴送副使坤祿群謝提等二十五
員名沿途備辦日用飲食到廣東布政司
安排茶飯管待成化十四年正月十六日
到於龍江關河下灣泊聽候廩給本職按
督不許夷人進城延住數日並無廩給本
職催併廩給督令夷人起程隨有副使坤
祿群謝提等說稱亦無廩給比先彼經過
有彼處住人周璋石彥璋錢鵬周玠唐廉

吳節周實承攬交去與本國王織段疋銀兩成造花素段疋待我催討完足纔敢回國見王聽允到今緣無送還本職恐違欽限夷人在彼又係京城去處被周璋等淹留遲滯未便又行嚴督夷人起程亦據副使坤祿群謝提等連名具狀告赴本職等因今將暹羅副使坤祿群謝提等告狀一紙合行前赴

欽差南京守備成國公朱 等處呈明行取夷

人管送審問乞提周璋等追給夷人銀兩織造段疋數目發送本職給還夷人乞賜廩給關賞夷人本職伴送起程庶不有違欽限其周璋等原先係與夷人交易情由乞另定奪明望先行周給段疋伴送夷人起程庶爲便益理合開呈施行有坤祿群謝提柰英必美亞等狀告係暹羅國差來副使等職於成化十二年四月內蒙本國王差來

進貢亦因本國爲無出產段疋因中領到國王銀兩前來買辦回國應用亞等坐駕海船一隻在洋累遭風水至本年八月初二日飄到雷州地方將船打碎呈蒙雷州委官指揮顧雲通判劉鎮等官前來壞船處所體勘是實將方物打撈搬運錦囊千戶所起庫收頓督軍國亞等看守外至本年十二月二十一日蒙

欽差鎮守廣東右少監常眷并三司委官等官

前來開盤將蘇木選退水浸虛心朽爛鱗節破片不堪

進用小木三百五十餘擔選退碎象牙俱有破裂痕損刀傷截斷不堪

進用碎牙二十餘擔比時三司等官俱欲焚化亞等聞說帶領番衆二百餘人哀情苦告各帶衣幔被水漂失告乞買布度寒當有

欽差右少監常眷并三司委官會議相同委見

夷人衣單受凍憐憫給還外亞等領回衆
又思議原領國王銀兩買段其銀船碎失
水慮回本國誠恐有累亞等自雇船隻裝
至廣東遇見相識簡玉李德二人承攬每
木一百斤價銀三兩五錢碎牙每一百斤
價銀六兩簡玉承攬蘇木二百五十擔碎
牙十七擔李德攬木一百零五擔碎牙三
百一十斤其銀約至南京發賣已了交還
其價銀二人俱各還足亞等收買各色段

疋回陪國王免衆後累成化十三年八月
內有龍江遞運所住人石彥璋周珍唐庶
錢鵬吳節周璋周實等來亞等船內各立
合同文字二家收執爲照各包攬價銀替
織各色綾段至十二月終交還於正月十
六日回至龍江驛前周璋同男周實來亞
船內攬去官絹一百疋替染虎斑絹又攬
坤祿群謝提官絹一十五疋綠段長衣一
件代染白綿三斤攬戶周珍石彥璋等俱

還各色段疋一半止有周璋父子寸絲無
還心生謀意捏攀人衆抵塘圖騙國王財
本若不狀告追取實被周璋父子負騙夷
人財本非止一端及行告衆意要衆人代
還亦且周璋非干已之事負騙銀兩反替
夷人告衆羈遲時月番衆無食有違風迅
不能回國恐失下年

進貢罪累不便見奉

聖旨沿途備辦日用飲食到今半月餘日並無

廩給口糧乞關存活養命回國有此屈抑
無伸開單來告等因行間今呈前因臣等
會同南京守備太監安寧等參看得周璋
所首林壽等所供及使臣坤祿群謝提等
所告私通外國使臣交易番貨織造違禁
紵絲負騙夷人財本及杜瓚供稱杜文彬
卽柰英必美亞係伊房伯先年出外生理
不見回家今在暹羅國差來

進貢等情俱係違法重事合當究問除行令

原差伴送官署丞馬全暫留使臣坤祿群
謝提等在於龍江驛日逐關支廩給聽候
及將見在人贓送南京刑部問理干礙使
臣坤祿群謝提等價銀織成未還違禁紵
絲等件王文等名下追出安南行人裴準
等原交織造紵絲等物象牙應否給與各
使該部徑自奏

請定奪外謹具題

知

乞存留騎操馬匹奏狀

據大小教場神機營新江口馬隊把總都
指揮僉事李虎等呈照得天順年間各營
騎操馬匹常有一千匹存留下營走陣差
撥調用尚且不敷其後爲存省京儲事該
南京戶部奏

准每年止存六百匹在城騎操餘皆下場牧放
切緣存留騎操馬匹實是數少非惟走陣
不成行列抑且不敷差撥應用卽今下場

牧放在邇呈乞多存馬匹在城差操便益
等因據此臣等會同南京守備太監安寧
等議得南京乃

祖宗根本重地守備不可不嚴守備之道莫先
於軍馬糧草京儲固不可不存省軍威尤
不可不振揚近年存留在城騎操馬匹委
的數少不敷差操兼且卽今京儲存省年
久蓄積頗多如蒙乞

勅該部計議合無將南京各營見在馬匹每遇
下場之時存留一千匹在城騎操聽調照
例支給草料喂養其餘皆要下場牧放庶
使軍威振舉而緩急不致於悞事矣緣係
存留騎操馬匹動支草料事理未敢擅便
具題